

Pappiaqqanik nalilinnik naqissusiinermi akitsuut pillugu Inatsisartut inatsisaat nr. 8, 31. oktober 1987-imeersoq

§ 1. Kalaallit Nunaanni pigisamik aalaakkaasumik tunisaqarnermi uppernarsaatit, pigisap aalaakkaasup pisiarinerani akiata 1,5 %-ia akitsuuserneqartassaaq, minnerpaamilli nalinginnaasumik niuernermi nalinga akitsuuserneqartassalluni.

§ 2. Umiarsuarmik, 80 bruttoregistertonsitut atsigisumik annermilluunniit tunisaqarnermi uppernarsaatit, umiarsuup tunineranni akiata 1,5 %-ia akitsuuserneqartassaaq, minnerpaamilli nalinginnaasumik niuernermi nalinga akitsuuserneqartassalluni. Bruttotonnage kisimi uuttorneqarsimappat, taanna 80-iussaaq annerussalluniluunniit.

Imm. 2. Immikkoortoq 1 naapertorlugu umiarsuup tuninerani uppernarsaatit taamaallaat akitsuuserneqartassapput:

1) umiarsuaq, Umiarsuit Nalunaarsorsimaffianni Kalaallit Nunaanni najugaqartutut nalunaarutigineqarsimappat imaluunniit Kalaallit Nunaanni nalunaarsorsimanissaa siunertaralugu pisaarineqarsimappat , imaluunniit

2) umiarsuaq Kalaallit Nunaanni najugaqartumit, Kalaallit Nunaanni atorneqartussatut pisiarineqarsimappat

§ 3. Selskabini, peqatigiiffinni assigisaannilu, § 2-mi taaneqartumik umiarsuarmik pigisaqartut, piginneqatigiissutinik, anpartinik, aktianik assigisaannillu tunisaqarpata, umiarsuup nalinginnaasumik niuernermi nalingata ilaanut piginneqatigiissut tunineqartog selskabip il.il. aningaasaataanut tamarmiusunut naleqquttoq 1,5 %-imik akitsuuserneqassaaq.

Imm. 2. Selskabini il.il., § 1-imi taaneqartumik pigisamik aalaakkaasumik piginninnissamik, attartortitsisarnissamik allatulluunniit ingerlatsinissamik pingaernerutillugu siunertaqartuni, piginneqatigiissutinik il.il. tunisaqarnermi pigisap aalaakkaasup nalinga taamatutaaq akitsuuserneqassaaq, piginneqatigiissutinut ataasiakkaanut il.il. najugaqartussaannermik aalajangersaasoqarsimanngippat.

Imm. 3. Immikkoortoq 1 aamma 2 naapertorlugit akitsuutip qanoq akilerneqartarnissaanut Naalackersuisut sukumiinerusunik maleruagassiorsinnaapput.

§ 4. Pialuutinik, tamatumani ilaallutik umiarsuit angallatillu nuannaariartaatit, tunisaqarnermi uppernarsaatit, pisinermi akisup 1,5 % - ianik akitsuuserneqassapput, aningaasat, uppernarsaatip pilersinneqarneraniit qaammatit 3-t qaangiutsinnagit akiligassat ilanngaatigereerlugit.

Imm. 2. Akiligassaqarnermut uppernarsaatit, imm. 1-imi pialuutinik taaneqartunik pisisup tunisisumut akiligassaqarnerminut uppernarsaatai, uppernarsaatip nalingata 1,5 % - ianik akitsuuserneqassapput, akiligassat uppernarsaatip pilersinneqarneraniit qaammatit 3-t qaangiutsinnagit akilerneqanngippata. Taamatutaaq akiligassaqarnermut uppernarsaatit, pisisup inummut pingajuusumut akiligassaqarnerminut uppernarsaatai akitsuuserneqassapput, taarsigassarsiat taakku imm. 1-imi taaneqartunut pialuutinik pisinermi ilanngullugit akiliutigineqarsimassappata.

Imm. 3. Immikkoortoq 1 naapertorlugu tunisaqarnermi uppersaammik aamma immikkoortoq 2 naapertorlugu akiligassaqarnermut uppersaammik pilersitsisoqarpat, akiligassaqarnermut uppersaatip akitsuutissaa tassaaginnassaaq akitsuutissap naatsorsorneqarsimasup tunisinermi akitsuut uppersaammut akitsuummit anneruppat, annerussutaa.

Imm. 4. Uppersaat, immikkoortoq 1 imaluunniit 2 naapertorlugu taamaallaat akitsuuserneqarsinnaavoq,

1) pialuut Kalaallit Nunaanni tunniunneqarpat imaluunniit

2) pialuut Kalaallit Nunaanni najugaqartumit Kalaallit Nunaanni atorneqartussatut pisaarineqarsimappat.

Imm. 5. Nioqutissanik, pisisup nioqutigisaanik pisinermi uppersaatit immikkoortoq 1 aamma 2 naapertorlugit akitsuuteqartussaangillat.

§ 5. Pantebrev-it qularnaveeqqusiissutitullu uppersaatit (skadesløsbreve), tassa pigisaq aalaakkaasoq, umiarsuaq pialuutilluunniit qularnaveeqqusiullugit pilersinneqartut, nalingat 1,5 %-imik akitsuuserneqassapput, erniat taakkulu pi lersinnerini aningaasartuutaasut ilanngunnagit.

Imm. 2. Pigisaq aalaakkaasoq qularnaveeqqusiullugu uppersaasiat taamaallaat akitsuuteqartussaapput, pigisaq aalaakkaasoq Kalaallit Nunaanni inissisimappat.

Imm. 3. Umiarsuaq, 5 bruttoregistertons-itut atsigisoq taassumangaluunniit anginerit imaluunniit - bruttotonnage kisimi uuttorneqarsimappat - taanna 5-iuguni annerulluniluunniit, qularnaveeqqusiullugit uppersaasiat taamaallaat akitsuuserneqarsinnaapput,

1) umiarsuaq, Umiarsuit Nalunaarsorsimaffianni Kalaallit Nunaanni najugaqartutut nalunaarutigineqarsimappat imaluunniit Kalaallit Nunaanni najugaqartussatut nalunaarsorsimanissaa siunertaralugu pissarsiarineqarsimappat, imaluunniit

2) umiarsuaq Kalaallit Nunaanni najugaqartumit pigineqarpat Kalaallit Nunaannilu atorneqarpat imaluunniit Kalaallit Nunaanni atorneqarnissaa siunertaralugu pisaarineqarsimappat.

Imm. 4. Pialuutit, tamatumani ilaalluni umiarsuaq mikinerusoq, qularnaveeqqusiullugit uppersaasiat taamaallaat akitsuuteqartinneqarsinnaapput,

1) qularnaveeqqusiissut Kalaallit Nunaanniippat imaluunniit

2) qularnaveeqqusiissut Kalaallit Nunaanni najugaqartumit pigineqarpat Kalaallit Nunaannilu atorneqarnissaa siunertaralugu pisiarineqarsimappat.

§ 6. § 4-mi taaneqartunik pialuutunik tunisinermut atatillugu, uppersaasiortoqarpat § 4 aamma § 5 naapertorlugit akitsuuteqartussaasunik, akitsuutit tamarmiusut pisinermi akiusup 1,5 %-ianit annerusinnaangillat. Uppersaat, oqaaseqatigiinni siullerni maleruagassaq tunngavigalugu akitsuuserneqanngitsoq millisitamilluunniit akitsuuserneqarsimasoq, uppersaatit allat akitsuutaannut paasissutissanik imaqassaaq.

§ 7. Pigisaq aalaakkaasoq qularnaveeqqusiullugu inuup nammineq pantebrev-iliaa qularnaveeqqusiunneqarpat, tamatumunnga uppersaasiaq inuup nammineq pantebrev-iliaata nalingata 1,5 %-ianik akitsuuserneqassaaq, qularnaveeqqusiisoq Kalaallit Nunaanni najugaqartuuppat, inuullu nammineq pantebrev-iliaa § 5 naapertorlugu akitsuuserneqarsimangippat.

§ 8. Uppersaatit, inummik, § 5-imi taaneqartoq pantebrev imaluunniit qularnaveeqqusiissutit uppersaat (skadesløsbrev) naapertorlugu taarsigassarsianut akisussaassuseqalersitsisut

akitsuuserneqassapput, inuup akisussaaffianut tunngatillugu pisussaaffimmik nutaamik pilersitsinermi maleruagassat naapertorlugit. Inuk akisussaassuseqartunut ilannguppat, akitsuut naatsorsorneqassaaq akisussaassuseqalerfiata annertussusaa tunngavigalugu, akisussaassuseqatigiit akisussaassutsimik qanoq atsigisumik tigummiaraqnerat naapertorlugu. Tamanna uppernarsaammi allassimassaaq. Uppernarsaammi akisussaassuseqatigiit ataasiakkaat qanoq atsigisumik akisussaassuseqarnerut allassimangippat, akisussaassuseqatigiit tamarmik assigiimmik akisussaassuseqartutut isigineqassapput.

§ 9. Akitsuuteqartinneqassanngillat:

- 1) pantebrev-it aamma qularnaveeqqusiissutitut uppernarsaatit (skadesløsbreve), Kalaallit Nunaanni inissialiornermi ikiorsiissutit pillugit Inatsisartut peqqussutaanni kapitali II imaluunniit kapitali V naapertorlugu ineqarnermut ikiorsiissuteqartarnermut ataatsimiititaliamut sananeqarsimasut,
- 2) pigisamik aalaakkaasumik tunisaqarnermi uppernarsaatit, Kalaallit Nunaanni inissialiornermi ikiorsiissutit pillugit Inatsisartut peqqussutaanni kapitali II imaluunniit kapitali V naapertorlugit ineqarnermut ikiorsiissuteqartarnermut ataatsimiititaliamut sananeqarsimasut,
- 3) pantebrev-it aamma qularnaveeqqusiissutitut uppernarsaatit (skadesløsbreve), inuutissarsiutinut tapersiinermut ataatsimiititaliaq pillugu Inatsisartut peqqussutaat naapertorlugu inuutissarsiutinut tapersiinermut ataatsimiititaliamut sananeqarsimasut,
- 4) inuup nammineq pantebrev-iliai kiisalu inuup nammineq pantebrev-iliaata qularnaveeqqusiunneqarnerani uppernarsaatit, inuup nammineq pantebrev-iliaa taamaallaat atornerpat inuutissarsiutinut tapersiisarneq pillugu Inatsisartut peqqussutaat naapertorlugu inuutissarsiutinut tapersiinermut ataatsimiititaliamut akisussaassutsinik qulakkeerinermut,
- 5) inuutissarsiornermut tapersiisarneq pillugu Inatsisartut peqqussutaat naapertorlugu pigisat aalaakkaasut, umiarsuit imaluunniit pialuutit inuutissarsiornermut tapersiisarnermut ataatsimiititaliamut tunineranni uppernarsaatit.

Imm. 2. Uppernarsaatit immikkoortoq 1, nr. 1, 3 aamma 4-mi taaneqartut ineqarnermut imaluunniit inuutissarsiornermut tapersiinermut ataatsimiititaliamut pinnagit allanut pigineqartussatut qularnaveeqqutitulluunniit tunniunneqarpata, uppernarsaatit § 6 naapertorlugu akitsuuserneqassapput, immikkoortoq 1-imi maleruagassaaq apeqqutaatinagu.

§ 10. Akitsuuserneqassanngillat:

- 1) Kalaallit Nunaanni Namminersornerullutik uqartussat, Kalaallit Nunaanni kommunep, qallunaat naalagaaffiata naalagaaffiilluunniit takornartap akornanni pigisanik nalilinnik niuernermi uppernarsaatit,
- 2) Kalaallit Nunaanni Namminersornerullutik Oqartussat imaluunniit Kalaallit Nunaanni kommuneqarfiit arlaata taarsigassarsineranut atatillugu uppernarsaatit pilersinneqartut.

§ 11. Uppernarsaatit, aappariinnit imaluunniit inunnit taamatut inooqatigiissunit pilersinneqartut akitsuuteqanngillat, uppernarsaatit avinnermut, averusernermut, inooqatigiikkunnaarnermut assigisaannulluunniit atatillugu pilersinneqarsimappata, aammalu inunnut namminernuinnaq pisinnaatitaaffinnik pisussaataaffinni lluuunniit taamaallaat pilersitsisoqarpat.

§ 12. Uppernarsaatit, §-ini 9, 10 imaluunniit 11- mi pineqartut ilassuserneqassapput akitsuuserneqartussaanginnerannik allassimasumik. Taamatut allassimasaq pineqartumut

oqartussaasunit atsiorsimassaaq. Uppernarsaatinut § 11-mi pineqartunut ilassut aappariinnit atsiorneqassaaq.

§ 13. Uppernarsaat pilersinneqarnermini akitsuuserneqartussanngussaaq. Uppernarsaat pisisumit tunisisumillu piffissani assigiinngitsuni atsiorneqarsimaguni, atsiuinermi siullermi akitsuuserneqartussanngussaaq.

§ 14. Uppernarsaat akitsuuserneqartussaasoq akitsuuserneqartussanngornerminut sap. akunneri arfineq-pingasut qaangiutsinnagit akitsuuserneqassaaq.

Imm. 2. Uppernarsaat akitsuuserneqartussaasoq Umiarsuit Nalunaarsorsimaffiannut imaluunniit Kalaallit Nunaata Landsret-ianut nalunaarutigineqannginnermini akitsuuserneqassaaq.

§ 15. Uppernarsaammi akitsuuserneqartussaasumi piginneqatigiit pisinnaatitaaffimminnut akitsuummik akiliinissaminnut pisussaapput. Taamatuttaaq piginneqatigiit arlaata alla sinnerlugu atsiorsimaguni atsiukkami akitsuutaata akilernissaa akisussaaffigaa.

§ 16. Akitsuut koruuninut ilivitsunut ammut akunnaallineqassaaq.

§ 17. Uppernarsaatip akitsuuteqartussaanageranut aalajangiisuvoq pisinnaatitaaffik, uppersaammattuumassuteqartoq. Uppernarsaatip qanoq taagorneqarnera qanorluunniit isikkoqarnera uppersaaatip akitsuuteqartussaanageranut attuumassuteqanngillat.

Imm. 2. Uppernarsaat pisinnaatitaaffinnut arlalinnut namminersortunut attuumassuteqarpat, pisinnaatitaaffiit tamarmik immikkut akitsuuserneqassapput.

§ 18. Uppernarsaatinut siusinnerusukkut pilersinneqarsimasunut tapiliussat akitsuuteqartussaapput, uppersaatinut ataasiakkaanut maleruagassat naapertorlugit.

§ 19. Pisinnaatitaaffimmi piginneqatigiit pisinnaatitaaffimmu nutaamik uppersaasiorunik nutaangitsumut taartaasussamik, uppersaaatip nutaap akitsuutissaa tassaavoq uppersaaatip siulliup akitsuutaata qaffassutissaa, taartaasussamik sananermi uppersaammi siullermi aalajangersakkat atorineqanngissavaat.

§ 20. Uppernarsaat ima sananeqaateqarpat, periarfissanik arlalinnik qinigassaarluni, taava akitsuut naatsorsorneqassaaq, periarfissaq annerpaamik akitsuusiisussaq atorlugu.

§ 21. Kisitsit akitsuusigassaq uppersaammi allassimanngippat, akitsuummik akiliisussat akitsuusigassaq sapinngisamik eqqortoq nalunaarutigissavaat.

Imm. 2. Akitsuummik akiliisussat akitsuusigassaq nalunaarutiginnippassuk imaluunniit akitsuusigassaq annikippallaartoq nalunaarutigippassuk, Akileraartarnermi Pisortaqrarfiup tamanna missiliuussinikkut aalajangersinnaavaa.

§ 22. Akileraartarnermi Pisortaqrarfiup akitsuummik akiliisussat piumaffigisinnavaa, piffissap aalajangersimasup iluani paasissutissanik, akitsuutip naatsorsorneqarnissaanut pisariaqartunik tunniussaqaqqullugit.

Imm. 2. Akileraartarnermi Pisortaqrarfiup uppersaammik akitsuuteqartussaasumik tigummiqartoq piumaffigisinnavaa, piffissap aalajangersimasup iluani uppersaata tunniuteqqullugu.

Imm. 3. Paasissutissat imm. 1-imi taaneqartut imaluunniit uppersaatait imm. 2-mi taaneqartut

piffissap aalajangersimasup iluani tunniunneqarsimangippata Akileraartarnermi Pisortaqarfiup pineqartut ullormoortunik akiligassissinnaavai.

§ 23. Akileraartarnermi Pisortaqarfik uppersaatinik akitsuuserneqartussaasunik akitsuusiisuusaaq.
Imm. 2. Akileraartarnermi Pisortaqarfik akitsuuserneqartussaasunermut akitsuutillu annertussusissaanut apeqqutinut aalajangiisuusaaq.

Imm. 3. Inatsit manna naapertorlugu Akileraartarnermi Pisortaqarfiup aalajangiineri sap. ak. sisamat qaangiutsinnagit Naalakkersuisunut naammagittaalliutigineqarsinnaapput.

Imm. 4. Naalakkersuisut aalajangiineri sap. ak. sisamat qaangiutsinnagit eqqartuussivinnut ingerlateqqinneqarsinnaapput.

§ 24. Naalakkersuisut, Naalakkersuisulluunniit tamatumunnga piginnaatitaanut, suliffeqarfiit namminersortut pisortanilluunniit ingerlanneqartut piginnaatinneqarsinnaapput akitsuusiisarnissamut.

§ 25. Akileraartarnermi Pisortaqarfiup uppersaatinut taamaatiinnarneqarsimasunut akitsuut utertissinnaavaa, pissutsit immikkut ittut atuutsillugit. Niwereeraluarluni niuernerq atorsinnaangippat uppersaatiit taamaatiinnarneqarsimasutut isigineqarsinnaapput.

Imm. 2. Akileraartarnermi Pisortaqarfik, uppersaatinik imm. 1-imi taaneqartunik akitsuuteqartussaagaluartunik akitsuutaalli akilerneqarsimangitsunik akitsuusiinnginnissamik akuersissuteqarsinnaavoq.

§ 26. Naalakkersuisut, Naalakkersuisulluunniit tamatumunnga piginnaatitaat, inatsisip matuma ingerlanneqarnissaanut sukumiinerusunik maleruagassiorsinnaapput kiisalu akitsuuteqanngitsoortitsisinnaallutik imaluunniit akitsuummik millilerisinnaallutik, pissutsit immikkut ittut atuutsillugit.

§ 27. Akiliisinneqarsinnaavoq piaaraluni imaluunniit mianersuaalliorujussuarluni:

1) § 14-imik unioqqutitsisoq,

2) paasissutissanik eqqunngitsunik paatsoorutaasinnaasuni iluunniit paasissutissiisoq, pissutsinut makkununnga pingaaruteqartunik

a) uppersaatiit akitsuuserneqarnissaanut,

b) akitsuusiinnginnissamut aalajangiinissamut,

c) akitsuutit utertinneqarnissaannut,

3) uppersaatinik akitsuuserneqartussaasunik, Akileraartarnermi Pisortaqarfiup tunniuteqqusimasaanik tigummiaraqarani eqqunngitsunik nalunaartoq.

Imm. 2. Inatsisip matuma kingunerisaanik malittarisassiani, akiliisitsinissamut pineqaatissiissutissat aalajangersarneqarsinnaapput.

Imm. 3. Selskabit, peqatigiiffiit assigisaalluunniit unioqqutitsippata, selskabi akiligassiissummut akisussaatinneqarsinnaavoq.

Imm. 4. Kommune imaluunniit kommune arlaliullutik ingerlatsiviat unioqqutitsippat, kommune kommunelluunniit arlallit ingerlatsiviat akiligassiissummut akisussaatinneqarsinnaapput.

§ 28. Naalakkersuisut, Naalakkersuisulluunniit tamatumunnga piginnaatitaanit, inatsimmi matumani aalajangersakkanik unioqqutitsisoq nalunaarfigineqarsinnaavoq, suliassaq eqqartuussinertaqanngitsunik ingerlanneqarsinnaasoq, unioqqutitsisoq unioqqutitsinerminik

nassuerpat, akiligassiissutigineqartorlu paasissutissiissummi allassimasoq piffissap aalajangersimasup, qinnuteqarnikkut sivitsorneqarsinnaasup, iluani akilerumassappagu.

Imm. 2. Nalunaarutiginninnermut, imm. 1-imi taaneqartumut atatillugu inatsisinik atortitsinnermut inatsimmi aalajangersakkani unnerluutiginninnermut allassimasut atuutissapput.

Imm. 3. Akiligassiissutigineqartoq piffissaagallartillugu akilerneqarsimappat imaluunniit akiligassiissutigineqareernermini akilersinneqarpat, qanoq iliuuseqartoqaqqissanngilaq.

§ 29. Inatsisartut inatsisaat ingerlaannaq atuutilissaaq, atuutissallunilu uppernarsaatinut 31. oktober 1987-imi kingusinnerusukkulluunniit pilersinneqartunut. Inatsit aamma atuuppoq uppernarsaatinut 31. oktober 1987-ip siornagut pilersinneqartunut Umiarsuillu Nalunaarsorsimaffiannut imaluunniit Kalaallit Nunaata Landsret-ianut 14. november 1987-imi kingusinnerusukkulluunniit nalunaarutigineqartunut. Taamattorli inuup nammineq pantebrev-iliaanut 31. oktober 1987-ip siornagut pilersinneqarsimasunut inatsit uppernarsaatinut, 31. oktober 1987-imi tamatumaluunniit kingornagut nalunaarutigineqartunut atuuppoq.

Namminersornerullutik Oqartussat, oktoberip 31-anni 1987

Jonathan Motzfeldt

/

Emil Abelsen